



ᓄᓇᓂ ᐃᓯᐅᓕᓗᓂᓴᓂᓄᓐ

ᓴᓐᓴᓇᓗᓕᓂᓴᓴᓐᓗ ᓂᓂᓴᓴᓐᓴᓐ

Nunavut Liquor and Cannabis Board

Nunavunmi Tanngaliqinirmut Higaarlungniklu Katimayiit

Société des alcools et du cannabis du Nunavut

Nunavunmi Tanngaliqinirmut Higaarlungniklu Katimayiit

Ukiuq Tamaat Titiraa

2018-19

August 27, 2019

Tuniyauyuq uumunga:


MALIGALIUQTI GEORGE HICKES

MINISTA MANILIQIYINI

MINISTA MUNARIQAQTUQ

NUNAVUT TAANNGALIQINIRMUN HIGAARLUNGNIRMUNLU KATIMAYIIT

NUNAVUT KAVAMANGA



2018 min 19 mun Ukiuq Tamaat Titiraa Nunavutim Taangaliqinirmun Higaarlunqinirmunlu Katimayiita

Pidjutigiplugit Nunavunmi Tanngaliqinirmut Higaarlunqiniklu Katimayiit,quviahuktun'nga tunihiyaami ukiuq tamaat titiraannik taapkununga Nunavunmi Tanngaliqinirmut Higaarlunqiniklu Katimayiit ihivriuqtauyutlu maniliqidjutit titiqqainnik Katimayiita auladjutainnut maniliqinirmun ukiungani March 31, 2019.

Una titiraaq tunijauhimajuq malikhugu ilanga 9(1) uvani Nunavunmi *Taangakut Maligaa*.

TERRY DOBBIN, Ikhivautalik
Nunavunmi Tanngaliqinirmut Higaarlunqiniklu Katimayiit



HIVUNIKHALIURUNMUT TITIRAA:

Hivunikhaliurutaa Nunavunmi Tanngaliqinirmut Higaarlungniklu Katimayiit nakuuyumik pidjutinahuaquyut hivuliqtiulutik maliguararhaqaqlutik maligait munariniqattiaqlutik atugahuagumik taangakmik Nunavunmi.

Havaaqhait Hakugingnikhaitlu taapkuat Nunavutim Taangaliqinirmun Higaarlungnirmunlu Katimayiita:

1. Tamaita Katimayiita ihumaliuqtait piliuqtukhat nakuatut maliklugit Nunavut *Taangaliqinirmut Maligaa Maliguarutaitlu, aadlatlu aturutiaqtuni maligani atugakhanilu Katimayiita.*
2. Angiqtauhimayuq Minista piliuqluni malikkuutikhanik ihuinniqanggittumik Maligaqmun, Katimayiitalu piyukhat maliklugut malikkuutikhat.
3. Katimayiita atanniqtuigutiniaqtait
 - a. Hivuliqtiulutik laisqaqtunut.
 - b. Munaqtiulutik tamayanutlu laisqaqviugiyauyunilu.
 - c. Qanurinmanggaatlu humi niuviktittiyut taanggakmik imiktittiyutluunniit laisqaqviugiyauyuni.
4. Katimayiita pittaaqtut imaa:
 - a. Tunihilutik, nutaanguqlugit nuutiqlugit laisiit.
 - b. Naalaktihuiqata, taimaaqlugu nutqaqtikaffuklugitluunniit laisiit.
 - c. Ilitturipkadjavat Minista tamainnik atugakhatigun, maligaliqidjutikkut titiqqiviliqidjutikkut pidjutiqaqtut niuvvaaviliqinikkut, tuyurniq imingnirmunlu taanngaqmik.
 - d. Maligahaliuqlutik pitquilitluunniit ataniudjutikhanik katimadjutimingni.

Atanniqtuidjutaa: *Taangakut Maligaq, s.6*



Ilauyut Nunavunmi Tanngaliqinirmut Higaarlungniklu Katimayiiinni: 2018-19

Katimajijut Katimajiiinni tikkuqaqtauhimajun malruuknik ukiuni.

Terry Dobbin, ikhivautalik, Iqaluit

Tikkuaqtauhimajuq: May 18, 2016

Tikkuaqtauffaaqtuq: May 18, 2018

Tikkuaqtaujuq ikhivautarmun: October 5, 2017

Miranda Atatahak, katimaji, Kugluktuk

Tikkuaqtauhimajuq: October 5, 2017

Robert Jancke. katimaji, Iqaluktuuttiaq

Tikkuaqtauhimajuq: May 18, 2016

Tikkuaqtauffaaqtuq: May 18, 2018

Qilak Kusugak, katimaji, Iqaluit

Tikkuaqtauhimajuq: October 5, 2017

Leesa Sowdluapik, katimaji, Mittimatalik/Iqaluit

Tikkuaqtauhimajuq: November 30, 2007

Tikkuaqtauffaaqtuq: November 9, 2009

Tikkuaqtauffaaqtuq: September 20, 2011

Tikkuaqtauffaaqtuq: September 20, 2013

Tikkuaqtauffaaqtuq: October 5, 2015

Tikkuaqtauffaaqtuq: October 5, 2017

Katimajiimi Ilauyut Naunaitkutait

Terry Dobbin (ikhivautalik)

20 ni ukiuni nunaqaqhimayuq Nunavunmi, Terry akhuuqpaqtuq nunallaami pidjutiapluni hapkunanut Nunavutim Taangaliqinirmun Higaarlungnirmunlu Katimayiita.

Nunalipauyarmi Iqalungni katimayiuyuugaluq, Terry ilauyuq tamangni Nunalipauyaq Iqalungni Nunavut Kavamanganilu katimayiinni. Ikhivauqatigiyauyuq nunalipauyam pivalladjutikhanut katimayiini ilaupluni pivallianikkut Nunalipauyarmi Iqalungni Nunallaani Pivaliavikhanut Upalunggaiyaiyini nunaliqpauyamlu ihumaliutqiqtukhanik upalunggaiyaidjutainni. Turaangahimajait katimajiupluni pimmarigharumanikkut naunalipaujap auladjutainnik kiujumaplugillu iglukhailliuqnikkut ihumagijajut.

Ilauhimatilluni nunaliqpauyap katimadjutaini aullaqattaqhimmaaahunilu Nunavutim avikturviinnut Qikiqtaalurmun, Kitikmeot, Kivalliqmunlu, Terry kangiqhittiaqhimayait nunallaani aktungnagiyainnik pivikhaqangniillu pidjutihimayut pidjagiktumik nunallaami pivalliaivikhainnut. Ilautinnani Nunattiaqmi Nunavunmilu Katimayiini Uyararhiurnikkut, havaghimavaktuq taigualiuqtuni tuhaararhanik Northern News Services naunaittuq talvani Iqalungni. Terry nanminiqahunilu nunavut nunalipauvianni.

Terry iniktigutiqaqtuq ilihaqhimayaanni hitamani ukiuni hunaliuqtiuyunik University Ilihaqvikyumi New Brunswick mi, Fredericton, New Brunswick mi, iniktigutiqaqhunilu inungmiulidjutikkut qauyimayaamilu ilihaqpaqtuq Champlain Avikturvianni College Ilihaqvikyumi Lennoxville, Quebec mi, maligaliqidjutikkutlu iniktigutiqaqtuq Academy Kanata ilihakvikuangani Corner Brook, nunaanni Newfoundland mi. Aliagiyait hulilukaariami iqalukhiurniq, kitaangniq haakiqtunilu.

Leesa Sowdluapik

Leesa pamirhimayuq Pangniqtuurmi, Nunavut, taja nunaqaliqtuq Iqalungni. 2000 mi, Leesa havalihaaligami havaanikpaqtuq Nunavut Kavamatkuni. Talvanga ilauliqhuni Nunavut Kavamatkuni, Leesa havakpakhimayuq tingmiyukhanik tutqikhaivakhimayuq, havaktunik pivalladjutikharnik ayuittiagiikhimayuq maniliqidjutingnilu havaktiuvakhuni talvani Havagviani Munarhiliqiyitkutni Ikayuuhialiqiyuniklu Iqalungni, havaktuniklu nuutiqhimaqtunik havaktiuvaktuq Havagviani Ilinniaqtuliyiyitkutni, Qikiqtaaluk Ilihaqtuliyiyitkut Aulatitiyunik Mittimatalikmi. Hadja havakhimaqtun Nunavut Ilihaliarpaarvigmi havaktuliyiyitkut nuutiqhimaqtunik havagiaqtuqhimaqtunik titiqqidjutuliyiyuniklu tutqikhaiyi.

Mittimatalikmi, Leesa ilauvakhimayuq Hamilaatkut katimayiini uvanilu inuuhirinikkut ikayuuhialiqiyuniklu katimayiini, taima munagivakhimayut angirutigivakhimayaingit taaninik uuktuutikharnik nunalaangani. Leesa tikkuqaqtauhimayuq Nunavunmi Tanngaliqinirmut Higaarlungniklu Katimayiinni December 2007 mi, hadjala kivraqtuhimmaaqtuq siksini ilaudjutiminut.

Qilak Kusugak

Qilak Kusugak, tikkuqaqtauhimayuq Nunavunmi Tanngaliqinirmut Higaarlungniklu Katimayiinni 2017 mi, hadjalu nunaqaliqtuq Iqalungni kihimi nutagaupluni Kangiqlinirmiittuq. Qilak aulapkaingnguvaktuq Atuliqtittinirmunni Nunavut Tunngavikkunni 2015 min, havaaqaqpakxuni Kivalliq Inuiit Katimayiini, Nunavut Kavamainni Nunavut Upalunggayainirmun Katimayiinilu.

Qilak 12 luni ukiuni Katimaqataungginnaktuq, havakpaqhunilu Nunavut Imaliriiyini, Nunavut Pivikhaqautikkunni Kuapuraisinganni Kivalliq Uyararhiuqviit Ilihaivikhanut Katimayiinnilu. Havaagiliqtaa nunallaanilu havakpaqhimayainniklu angginirmik nakuuqpiqatumiklu iniktiriniaqtuq Nunavunmi Tanngaliqinirmut Higaarlungniklu Katimayiinni. Qilak nulianilu Denise inulramiirik nutaraqaqtun; pania Taylor irningalu Dylan.

Miranda Atatahak

Miranda Atatahak ilauqatauyuq Nunavunmi Tanngaliqinirmut Higaarlungniklu Katimayiinni talvamin October 2017. Nutagaupluni inirningguqtuq Kugluktumi, Miranda havaaqaraaqpaktuq havaaqhaqhiurnikkut nunallaami saivanni ukiuni kivraqtuihimaangginnaktuqlu aadlatkiingni hulipkainahuaqtuni ilauplunilu Nattiq Frolics ni Kulaisimangnaqhitinnagulu hulilukaagutikhainnik katimayiinni. Miranda hadja Tugliuyuq Miiyamun Hamlatkunni Kugluktumi. Kinggunngani katimaqatauvaktuq Kugluktup Ilinniagnikkut Katimayiinni Kugluktuk Hivumut Upalunggayainirmun Atuqtakhanikmilu.

Mirandap ilaudjutaa inuulrammiinut kivraqtuivakhuni Nunavut Taanganik Maligaa Ihivriungnikkut Havaktauviuyukhani ilauyuq 2010 min 2012 mun talvuuna ayuiqhaqtitaupiaqhimayuq nalunggittukhaiqhugit *Taanganik Maligaata*, ilaungmat Nunavunmi Tanngaliqinirmut Higaarlungniklu Katimayiinniikayuutigiyauqpiangniaqtuq ilaayunut.

Robert Jancke

Bob Jancke nunaqatauhimavaktuq Nunavunmi Kitikmeoni 35 ni ukiuni, nanminiqaqhuni aulavaktiulluaqtuqlu Nanook Woodworking Ltd. ni Iqaluktuuttiami; nappaktirinirmu kaantraaliqivakhuni nanminiqarnirmunlu munagidjutikhanik havagviuvakhuni.

Bob kivraqtuihimmaangginnaktuq Iqaluktuuttiami talvamin 1994, kivraqtuivakhunilu qaptiriiyini, tanniqtuuplunilu nukaqhiinnut haakiqtuni, ikayuqhimmaaahunilu maniliurnahurittuni amigaittut inuulrammiit nunallaamilu hulikaagutikhainnut. Nanminiqaraluaqtiluni an'ngiyuanggittumik, Bob ikayuqpiaqpaktuq nanminiqinikkut nunallaamilu atuqpaghimayainnik ikayuutiniaqtut Katimayiimun, May 2018 milu tikkuqaqtauhimayuq tugliuliqhuni katimadjudutikhaminut. Bob aliagiyait iqatiyaami ilait, hulilukaariami ahiqpani hananirmunlu.

Havaanga Katimayiita

Nunavunmi Taangaliqinirmut Higaarlungniklu Katimayiinni (NLCB mik naunaittuq) inungnut maligaliqidjutinut timiuyut piliuqtauhimaplutik ataani Nunavut Taangaliqinirmut Maligaa. Katimayiitap hivunikhaa, havaaqhait atanniqtuidjutaitlu titirarhimayut haffuma titiraanni naunaiyagiikhimayutlu Ilanga 6 mi Taanganik Maligaanni. Atuliqqat October 2019, Katimayiita havaaqaqngniaqtutlu hiraqaqlurnikkut laisikhainnik. Ilangginni 13 16 lu talvani *Higaarlurnikkut Maligaani* naunaiyagiikhimayut havaanga katimayiita (naittumik titirarhimayut makpirvianni 7 haffuma titiraani).

Malikhugu *Taangaliqinirmut Maligaa*, Katimayiita munariniqaqtut amirinikkut qanuriliurutainni laisiquaqtuni, aulapkainingani tamayainnilu laisiquaqtuni igluqpani, qanurittukhanilu inningit taimaatun taangait niuvgutaugumik imiqtaaqtainnikluunniit laisiquaqtuni igluqpani. Havaktauyaangginnik munariyaqaqtunik, Maligaa pivikhaqaqtuq Katimayiita atanniqtuidjutikhainnik tunihiyaangginnik, nutaanguffaaqlugut nuutiriamilu laisunik, imaalu naalaktiulutik nutqanggakaffuriangginnik taimaaqtitalutikluunniit laisigiyayyumik.

Katimayiita unniutivikhaqaqtut Ministamun munariyaqaqtumun Nunavut Taangganik Higaarlungniklu Katimayiitanut uqaudjauyiulutik Ministamun tamainnik atugakhanik, maligaliuqtauhimayunik titiqqidjutiviliqidjutiniklu pidjutihimayut niuvvaanikkut, tuniqhainirmun niuqqaqngnirmunlu taanganik.

Katimayiita hivunikhaa imaa piyukhat hivuliqtiulutik munarilugut maligaliqidjutit atuqtuaqtittinahaqlutik inungni taanganik Nunavunmi. Katimayiita havaaqaqtut laisiquaqtunut havattiangnahaqlutik tamaita hivunikhaatigut, nakuuyumik havaqatigiittiaqlutiklu nanminiaqaqtunut katimayiuyunutlu kitunut tuniqhaivaktainnut laisikhainnik.

Katimayiita katimavaktut hitamani atauhirmi maniliqiiyit ukiuganni havaktauyaangginnik havaktauyukhat, piumayayut, uuktuutit ihumaliugutauyutlu tahapkunanut. Katimadjutikhatigut katimavaktut March mi ukiuq tamaat anggiriaringnik nutaanguffaaqtukhanik laisiit nutaamun ukiuqhamut, laisiquaqtavikhaungmatlu ukiungannut. 2018 min 19 mun, katimadjutitigut katimavaktut June mi October 2018 milu, January March milu 2019 mi.

Aularaanginnaqtun taapkuatut piumayainnik aadlangguqtukhanik ikaangniit aulavikhainnut, anggirutikhamut niuviriami aadlatkiingnik taanganik takunaittunik iliqpiinni kavamatkut taanganik tutquumavianni, anggurunmiklu hulinahaqtuni anggiqtaudjutikhamik havaktauvaktunik qaritauyakkut pidjutihimmaaqpaktunik.

Nunavut Taanganik Higaarlungniklu Katimayiita pinggittut naalaqtakhainnik inuit 2018 min 19 mun.

Piliurniq Nunavut Taanganik Higaarlurnikkutlu Katimayiita Qaritauyakkuugutikhaat

2018 min 19 mun Nunavut Taanganik Higaarlungnikkutlu Katimayiita qaritauyakkuugutaa ihuaqhaqtauvaktuq hadjalu ilaliutiyut pidjutyariikhimayumik Nunavut Kavamanga qaritauyakkuuguta. Nutaaq qaritauyakkuugutaa ayurnaittuq aturiami ihuaqhunilu atuqtianinga laisiliqidjutikkut hulinahuaqtunutlu anggiqtaudjutikhamik piutinga.



Naunaiyaqtauvikhanik Naalaktauyukhat

Qakungnguraanggat, Katimayiita havaagivaktait ihuigiyaayunik tuniyauyut Taangatigut Maligaliqiyit, ihuittuqaqqat *Taangaliqinirmun Maligaa Taangatigut Maliguararhaitigutluunniit* laisqaqtunit unniudjauvaktunik. Hapkunani, malikhugu havaktakhamikni ataani ilangani 6(2)(a) *Taangakut Maligaqmi*, taaman hivuliqtait Katimayiita amirilugit havaktainnik laisqaqtut, Katimayiita pitquniaqtaat laisqaqtun qaitquplugit naalaktitaqlutik huuq laisinggit taimaaqtitauckaffuktukhaunggittut, taimaaqtukhaunggittut maliktuutikhaliuqanggillutikluunniit imaalu imaaluunniit akiliqtauyukhanik akiliqtuiquyaulutik malikhugit ilanginni 35 min 37 mun *Taanganik Maligaanni*.

Qaanggiutilihaaqtuni kaffini ukiuni, nampait ihuinaaqtauyunit laisqaqtunit talvunggauquyauvaktunik Katimayiimut ikiqliyuummiktut. Maniliqinikkut ukiunggani 2018 min 19 mun, Katimayiita malruungnik naalaktauyukhanik pivaktut.

Royal Canadian Legion 168 (Imikvik)

Nunavut Taanganik Higaarlungniklu Katimayiita naalakpaktut October 3, 2018 mi naunaiqhinahuaqhutik ihuinaarutait maliktaungginmatta *Taangaliqinirmun Maligaa Maliguararhaitlu* pidjutihimayut pittiagiplugu auladjutait Royal Canadian Legion 168 (Imikvik), Iqalungni, laisqaqtuq taangaliqinirmun laisiutaa nampaa 014.

Nalaaktillutik, Laisqaqtuq ihuinaaqtumik uqaqtuq malruungnik ihuinaaqtuqaqtuq malingginnamiuk taangat maligaliqidjutait pipkaingmat iminggayut talvaniipkaqhugit laisqaqtumi igluqpaata.

Katimayiita angiqtait atauttimun pidjutaayut ihuinaagutigiyayut Laisqaqtumin Taanganut Maliktauyukhat ihuaqtumik ihuinaagutaatigut akiliqtakhangguqtuq, akiliqtakhangguqtuqlu atauttimun \$8,000 tausintaala, taimaatunlu laisinga taimaaqtitauckaffuktauniaqtuq atauhirmik ubluq tahapkuat Royal Canadian Legion 168 (Imikvik) pilutik Pinggatiut, October 10, 2018 mi.

B.P.O Elks Lodge, Branch #570

Nunavut Taanganik Higaarlungniklu Katimayiita naalakpaktut October 3, 2018 mi naunaiqhinahuaqhutik ihuinaarutait maliktaungginmatta *Taangaliqinirmun Maligaa Maliguararhaitlu* pidjutihimayut pittiagiplugu auladjutait Royal Canadian Legion 570 (Imikvik), Iqalungni, laisqaqtuq taangaliqinirmun laisiutaa nampaa 003.

Nalaaktillutik, Laisqaqtuq ihuinaaqtumik uqaqtuq atauhirmik ihuinaaqtuqaqtuq malingginnamiuk taangat maligaliqidjutait pipkaingmat iminggayut talvaniipkaqhugit laisqaqtumi igluqpaata.

Katimayiita angiqtait atauttimun pidjutaayut ihuinaagutigiyayut Laisqaqtumin Taanganut Maliktauyukhat ihuaqtumik ihuinaagutaatigut akiliqtakhangguqtuq, akiliqtakhangguqtuqlu atauttimun \$4,000 tausintaala, taimaatunlu laisinga

taimaaqtitaukaffuktauniaqtuq atauhirmik ubluq taapkuat B.P.O Elks Lodge, Branch #570 Pinggattiumi, October 10, 2018.

Havaanga Katimayiita Higaarlurnikkut

October 17, 2018 mi, Higaarlurnikkut maligaliqidjutaavaktut aturiami Kanatami.

Maligaliurvik pigiaqtittaat *Nunavutim Higaarlurnikkut Maligaa* auyami 2018 mi, 19 nik ukiuqaqtukhat atuinnaqiyaaami, pipkaiplutik aimmavingmi hitamanik nauvikhanik, pitquplutiklu munariniqangnikkut tahapkununga niuvviktauyukhanik tuniqhainikkutlu taapkuat Nunavutim Taanganik Higaarlurnikkutlu Katimayiita.

Hadja Nunavunmi, niuvrutauyut higaarluit qaritauyakkuungginnaqhutik, havaktikkut piplutik Taanganik Higaarlurnikkut Katimayiitanit. Atuliqtilluni March 2018 min 19 mun, Katimayiita malruungnik havaktiqaliqtut agyaqtitauplutiklu higaarluit Nunavunmiunut qaritauyakkuugutivaktut niuvvaaviit. Katimayiita qiniliqtut kaantraaktittiumaplutik aadlanut havakviuyunut hivuni pipkaiyaami aadlatkiingnik niuviyuktunut.

Ataaniu Nunavutim Higaarlurnikkut maligaliqidjutaita, niuvvaaviit higaarlurnik, un'ngahiktumi niuvvaaviit, higaarluriami ikhiviuvaaviit, piqaqtukhat higaarlurnikkut laisimik, tuniyauyukhaq Atan'nguyamin Laisiliqiyini. Taimaatuunggittuq taangatigun laisikhainnik, Nunavut Taangaliqinirmun Higaarluniku Katimayiita munariniqalimaittut tuniqhaiyaami higaarlunigik laisikhainnik, kihimi uuktuffaagumayunut laisikhamik katimayiuniaqtut, naalaktiulutik malikhailiungnguqlutik uuktuffaagumayunut laisikhainnut nutaangnguffaangnikkut ihuinaagutaatigut akiliqtuiyukhatlu.

Katimayiita Nunavut Kavamangalu iniqhimanggittumik havaktut havaaqhainik laisliqidjutikkut, niriututlu takuyaami laisliqaqviinnik nunaptingni 2020 atuliqqat.

Katimayiuyut Taangaliqinirmut Laisikhainnik Atanniqtuiviit Kanatami

Katimayiita Taangaliqinirmut Laisikhainnik Atanniqtuiviit Kanatami (ALAC mik naunaittut) kanatami tamaat katimayiuyut taangaliqinirmut laisikhainnik nunainnit kivraqtuiviqaqhutik tamainni kanatap avikturviinni ukiuqaqtumilu. Katimayiit katimavaktut malguiqtukhutik atauhirmi ukiumi ikhivautaqllu talvani Nunavut Taangaliqinirmut Higaarlunigikkutlu Katimayiita katimakatauvaktuq kivraqtuipuni Nunavunmit. Uqautavaktut katimadjutini taanggakkut maligait maliguararhatlu, tuniqhainirmun ilihaidjut, nutaangguqtirinirmun laisiit qanuqtun piyukhat inungnilu munariniqaqtut piyakhait.

2018 min 19 mun, Katimayip Ikhivautaa, Terry Dobbin ilauvaktuq Auyami ALAC katimadjutaa June 2018 mi Winnipeg, Manitoba mi, talvanilu Ukiumi ALAC katimadjutaa February 2019 mi, Toronto, Ontario mi.

Itqaumattiaqtakhait uqariyauyut katimadjutimi taapkuangnguyut: higaarlunniikkut atuqtauqtaalaqinik; tuhaqtittiyut akikhaliuqpektutlu havakhimmaaqtutik; aadlanggunniit qanuqtun piyukhat laisiliqinikkut; imaalu, tuhaqtipkaiyut aadlatkiingnit tignonmidjutiqaqtut katimayit, taapkuatlu Kanatian Katimavia Taanganik Higaarlunniikkut Atuqpektut Ipiralimaituqaqtunlu.

Aadlanggunnia Katimayita Atia

Malikhugu atuqtaalaqinia
higaarlunniikkut October 2018 mi -
Katimayita nutaaq havaanga
higaarlunniikkut laisikhaitigut -
Katimayita aadlangguqtaat atia



talvamin Nunavut Taangannikkut Laikhait Katimayitamin, uumamut Nunavut Taangannikkut Higaarlunniikkutlu Katimayita. Katimayita pidjutihimmaqtut nuutirinnimmun inungni takuttaaqtainnik titiqqait, inikiqtukhauyut titiqqat qaritauyakkuugutaalu ilaliutiumaplugu nutaa atia.

Aadlanggunniit Taanganikkut Laixit Nutanguqtukhauyunik Qanuqtun Piyukhat

2018 min 19 min Nunavut Taangaliqinirmun Higaarlunniikkutlu Katimayita havakpiaqpektut nakuuhivallianahuaqhgut taanganikkut laixit nutanguqtuayukhanik.

Talvanga January 2019, tamaita pihimayut taangaliqidjutikkut laisqaqtut nunaptingni nutanguuffaagumaplugitlu laixutait hadja piaqhangguqtut takupkaqtitaulutik Katimayiyimin katimavingmi (talvainnakiimluni hivayautikkutluunniit) laixutaa ublua atuqvikhaa qaanggiutinnagu.

Ilturipkaiyumayut ilauyukhat katimadjutimi laisqaqtut kangiqhittiariumingnik pitquinitigon malikhugu maligaliqidjutit, avatquttailugitlu ihariahungnik hivuni atuqtakhangmik laixutait atuguiqvikhaa ublua tikitpat taimaa kinguvaktuumimayut havaktuaaangginni titiqqiviliqidjutit.

Ihuaqhaqtauffaaqhimayut havaktuumayut takudjutiyut nakuuyumik pidjutiyut, taimaatuunggittumik kinggunngani ukiut, 2018 min 19 mun laixit nutanguuffaqtukhanik piqanggitut maniliqinirmun ukiungani.

Katimayita havaghimmangniaqtut laisqaqtunut nakuuhivaliadjutikhainnik laisiliqidjutikkut havaanggit atuqpaganlu, niruqtutlu hivuni nakuuqpiaqtumik havaktuaaangginnik ukiumut tikiliqtumut.

Taangaliqinirmut Laixhat Angiqtauhimayut ukiungannut 2019 min 2020 mut

Ataani ilangganii 6(3)(a)(i) Taangaliqinirmut Maligaa, taapkuatNunavut Taangaliqinirmut Higaarlunniikkutlu Katimayita atanniqtuidjutiqaqtut tunihinikkut, nutanguuffaaktirinimmun nuutirinnikkutlu taanggat laixutainnik.

Malikhugu ilanga 17 *Taangaliqinirmun Maligaa*, tamaita laisiit tuniyauhimayut ataani *Taangaliqinirmun Maligaata* atuqtaulimaiqtauvaktut March 31 ukiuq tamaat, aadlangguqpat kihiani ublua laisiutimi. Laisiqaqut tunihiuqhat ukiuq tamaat nutaanguuffaaqtuqhamik laisimik uktuutainik Katimayiyimun, nutaanguqfaaqqunguyait aippaanguqpat maniliqinirmun ukiungganut.

Katimayiita nutaanguqutait taangakut laisikhainut ukiungganut 2019 min 2020 mun ukiunga, nakkuyuqlu talvunamun March 31, 2020.

Laisiup Nampaa	Havakviup Atia	Qanurittuq Laisighaq
001	Granite Nirivik unalu Taangaqaqtut Katimaviit, Discovery Boutique Itiqtivik	Nirivingmi Taanganut Laisighaq
003	BPO Elks Lodge no 570, Iqaluit	Katimavikmi Taanganut Laisighaq
004	Arctic Club unalu Wolf's Den (Kanadami Anguyaqtunut Nayuqvia, Alert-mi)	Niuvvaavikmi Taanganut Laisighaq
008	Frobisher Racquet Club, LTD	Nanminiriyauyumi Ulapqivikmi Taanganut Laisighaq
009	High Arctic Lodge	Aallangayuq Taanganut Laisighaq
014	Royal Canadian Legion Branch no 168, Iqaluit	Katimavikmi Taanganut Laisighaq
017	Frobisher Inn Itiqtivik	Hiniktaqvikni Igluani Taanganut Laisighaq
018	Frob Kitchen & Eatery Nirivik	Nirivingmi Taanganut Laisighaq
019	The Storehouse Bar & Grill Imiqvik	Taanganut Imiqvik Taanganut Laisighaq
020	Arctic Watch Lodge	Aallangayuq Taanganut Laisighaq
023	L'Association des francophones du Nunavut	Katimavikmi Taanganut Laisighaq
025	Anggiyuqqaat Palihihamatkut - Tamainnun Palihihamanun Nirivik (Iqaluit)	Niuvvaavikmi Taanganut Laisighaq
026	Ikaluktutiak Elks Lodge no 593, Iqaluktuuttiaq	Katimavikmi Taanganut Laisighaq
028	Dorset Suites, Huit Huit Tours LTD	Hiniktaqvikni Igluani Taanganut Laisighaq
029	Arctic Haven Lodge, Canadian Arctic Holidays LTD	Aallangayuq Taanganut Laisighaq
030	Royal Canadian Legion Branch no 169, Kangiqliniq	Katimavikmi Taanganut Laisighaq
031	The Snack	Nirivingmi Taanganut Laisighaq
032	Nunavut Brewing Company Ltd.kut	Katimavikmi Taanganut Laisighaq
033	Siniktarvik Itiqtivqia	Hiniktaqvikni Igluani Taanganut Laisighaq
BP001	Nunavut Brewing Company Ltd.kut	Brewery Anggiqtaudjutikhaq